

գետի եղբրքին, Կարդուինների երկրի սահմանում (Անարպղիս, Դ. 3, 4) : Հէնց սրանք էին նախահայրերը քաջ օրտանցիների կամ խուժացիների, որոնք տակաւին Ք. դարում Ք. Յ. Սոյթ լեռնաշխարհի ձորերում պահել-պահպանել էին իրենց հին, հայերի համար անհասկանալի եւ բազմաթիւ բարբառների բաժանուած լեզուն : Նրանք ապրում էին կէս-անկախ նախնական պամաններում, յիշեցնելով զեռ այսօր էլ Հիւսիսային Ալբանիայում իշխող վիճակը :

2. Օրարտ կամ Ուրարտու անունը պահել է նաեւ Սանոյ Մարաթու սար, Մարաթ (Մարութ) անունը, որի վրայ է, համաձայն մի աւանդութեան, Նոյեան տապանը կանգ առել (վրացերէնի վ նախածանց տառի օգնութեամբ եւ երրորդ ր տառը զեղչելով) :

3. Ըստ երեւոյթին Բոհտանում գտնուող եւ զեռ Ե. դարում Ք. Յ. Մարարատ կոչուող լեռան անունն էլ նոյն հետքն է պահել իր վրայ : Համաձայն հնագոյն աւանդութեան՝ դա է իսկական Նոյեան սարը, որի կատարին էլ զեռ Դ. դարում Ք. Յ. տապանի մնացորդները գտած լինել կարծում էին (Յակոբ Մժրնայ հայրապետ) : Մարարատ կաղծուած պիտի լինի, ըստ այդմ, վրացերէնի սա նախածանցի օգնութեամբ. ինչպէս՝ Սա-Քարթլէլօ (Վրաստան) ձեւի մէջ :

Ինքնին հասկանալի է, որ Հայաստանի բնիկների եւ եկուոր հայերի միաձուլումը հետքահետէ, աստիճանաբար է տեղի ունեցել, եւ որ՝ հայերը չեն եղել միշտ էլ մատուցանողի դերում : Իայց եւ այնպէս հայերը վերջ ի վերջոյ կարողացան իրենց լեզուն ամէն տեղ, ուր բնակութիւն էին հաստատել, դործածական դարձնել նաեւ բնիկների համար : Մասամբ այդ տեղի ունեցաւ շատ ուշ, քրիստոնէական շրջանում :

Այսպէս եղաւ օրինակ՝ Սիւնիքում :

Սրա հետ մէկտեղ՝ հայերը տեղացիներից հաւանօրէն փոխ առան բազմաթիւ բառեր : Այսպէս, հին Հայաստանի գաւառներ անունները համարեա բոլորն էլ նախահայկական են, ինչպէս նաեւ, ըստ երեւոյթին, տեղւոյ անունների մեծ մասը :

Նախահայկական ծագում ունի, նմանապէս ցեղական անունների ունի վերջաւորութիւնը, որ համապատասխանում է խաղական

-ini վերջաւորութեան : Նաեւ յոգնակի ցոյց տուող մի շարք վերջաւորութիւններ, օրինակ՝ եր, ներ ու աւելի հին ձեւը՝ եար, որոնք զբարբում տեղ-տեղ միայն հանդիպում են, այն էլ ոչ զուտ դասական հեղինակների մօտ, որոնք սակայն միջնադարեան եւ մանաւանդ աշխարհարար հայերէնում բոլորովին վտարել են հին ձեւերը, ծագում են Հայաստանի նախաբնիկների «կովկասեան» լեզուներից :

Չարմանալի չէ նաեւ, որ նորեկ հայերը, որոնք սկզբից իսկ փոքրամասնութիւն էին կազմում, այդ ձուլման գործողութեան ընթացքին նաեւ իրենց մարմնակազմով շատ փոխուել են : Թէ նրանք Եւրոպայում եւ Փոքր Ասիայում, ինչպէս նաեւ Փոքր Հայքում եղած միջոցին ինչ աստիճան խառնուել են ոչ-Հնդեւրոպական տարրերի հետ, մնում է անձանօթ :

Հետեւեալը ցոյց է տալիս, որ հայերի ձուլումը հիթիթների հետ իսկապէս որ ուժեղ է եղել : Այն որ՝ զեռ կայսրների միջոցին կրթութեամբ հայեր գիտակցում էին, թէ Երէզ աւանի Անահիտ դիցուհու պաշտամունքը բոլորովին նոյնն էր, ինչ որ Իրիսի եւ Սարոսի եղբրքին գտնուող երկու Կոմանա քաղաքների Մա դիցուհու պաշտամունքը. մի տեղեկութիւն, որ մեզ հաղորդում է Պրոկոպիոս : Դրանից հետեւցնել կարելի է, որ հայերը փոխ են առել հիթիթական դիցուհու պաշտամունքը եւ յետոյ նրան փոխանցել Իրանեան Անահիտ անունը :

Այս ամէնով մէկտեղ՝ հայերի եւ օտար ցեղերի միաձուլումը տեղի է ունեցել զլիսաւորապէս աւելի ուշ, երբեմնի Ուրարտու երկրում :

* * *

Ինչ վերաբերում է Երասխի հովտին կամ Ալլարատեան Դաշտին, հայերից առաջ այդտեղ ապրելիս են եղել Իրանական վաչկատուն ցեղեր :

Արաքս անունն եւս, հայկական տառադարձութեամբ Երասխ, Իրանական ծագում ունի : Դրան զուգընթաց չէ պահուել գետի զուտ հայկական եւ կամ զուտ վրացական մի անուն եւս, ինչ որ, ընդհակառակը, Կուր գետի համար տեղի ունեցել է (վրացերէն՝ Մթկլարի) :